



Múte B. Egede, Inuit Ataqaatigiit
Inatsisartuni ilaasortaq

Aallarnisaasarnermut tunngatillugu § 37-mi apeqquut nr. 066-imut akissut

03-03-2016
Sags nr. 2016-3937

Inatsisartut suleriaasianni § 37, imm. 1 naapertorlugu aallarnisaasartunut pissutsinut aammalu aallarnisaasartunut sinaakkutissatut atugarisanik pitsanngorsaaniarlutik Naalakkersuisunit isumaliutigisatut suliarisassanut tunngatillugu Naalakkersuisunut apeqqutit saqqummiussimavatit. Apeqqutivit suliaasaqarfinit akineqarnissaat innersuunneqarpoq.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Aallarniutigalugu oqaatigissavara namminersortut susassaqaafiata nukittorsartariaqarneranut Naalakkersuisut tamakkiisumik isumaqataammata. Taamaattumik aallarnisaasartunut, aammalu inuussutissarsiorfiusup sinneranut sapinngisamik pitsaanerpaanik sinaakkutissatut atugassaqaartitsinissamik qulakkeeriniarlutik Naalakkersuisut anguniagaqarlutik suliaqarput.

1. Naalakkersuisut pilersaaruteqarpat suliffeqarfiit aallarlerlaat kiisalu inuussutisarsiuutit nutaaliortunut atugassiissutit pitsanngorsarnissaannut?

Akissut:

Suliffeqarfinit aallarlerlaanut aamma aallarnisaasartunut sapinngisamik pitsaanerpaanik sinaakkutissatut atugassarisanik pilersitsiniarneq Naalakkersuisut inuussutisarsiornermi politikkianni pingaarutilit ilagivaat, taakku inuussutissarsiorfimmi ineriartortitsillutillu suliffinnik pilersitsisuusarmata.

Inuussutissarsiorfiusumut ilanngullugillu aallarnisaasartunut sapinngisamik pitsaanerpaanik sinaakkutissatut atugassiissutit qulakkeernissaannik Naalakkersuisut suliaqarturput.

2. Taamatut Naalakkersuisut pilersaaruteqartoqarpata suut pitsanngorsaassutiginiarneqarpat kiisalu suut suliat aallartisarniarneqarpat?

Akissut:

Inuussutissarsiornerup iluani inatsisaasunik nutarsaanissamik siunertaqartunik Naalakkersuisut inuussutissarsiornermik suliaasaqarfimmut inatsisissatut siunnersuutinik arlalinnik UPA2016-imi saqqummiussaqaassapput. Taakku saniatigut Namminersorlutik

Oqartussat inuussutissarsiutinik siuarsaanermut aaqqiissutaa 2016-imi nalilersorneqasaaq.

Inatsisaasunik allannguutininut tunngatillugu Inatsisartut UKA 2015-imi niuernermit inatsit nutaaq, Kalaallit Nunaanni suliffeqarfimmik aallartitsinermik ingerlataqarnermilu malunnartumik oqilisaasoq akuersissutigaat.

Inuussutissarsiorfiit siuarsarnissaat pillugu inatsisip allanngortinnissaa Naalakkersuisut UPA 2016-imi saqqummiutissavaat, taamaalilluni immikkut ittunik atuutsitsilernissamik ingerlassanik aaqqissuussisoqarnissamut periarfissiisoqassalluni. Taamatut ittunik atuutsitsilernissamik ingerlataqarsinnaanermut siunertaq tassaavoq aallarnisaasartut arlallit immikkut ittunik sammisaqarfigisamik piffissami ukiunik 1-2-nik sivisussusilimmik ilitsersugaanerisa tapersersugaanerisalu qulakkeernissaat, tassuunakkut suliffeqarfiup siuarsarnissaanut suliffinnillu pilersitsinissaanut periarfissai tapersersorniarlugit. Nalinginnaasumik oqaatigineqarsinnaavoq atuutsitsilernissamik ingerlatsinerup ilaatigut anguniagaqarfiginiakkanik pikkorissartitsinernik isumasioqatigiinnernillu, aallarnisaasartunut suliffimmik ingerlataqarnissaannut pitsaanerusemik piginnaasaqartitsilersussanik arlalinnik imaqarnissaat naatsorsuutigineqarsinnaasut. Pikkorissartitsinerit taakku assersuutigalugit tassaasinnaapput akileraaruteqarnerup, naatsorsuusiortarnerup assigisaasaluunniit iluinut tunngasuusinnaapput. Saniatigut anguniagaq tassaavoq Kalaallit Nunaanni tamarmi aallarnisaasartunut sammisatigut suliarisatigullu attaveqarfiit pilersillugillu attannissaannut atuutsitsilernissamik ingerlassat pilersitseqataanissaat, taamaalilluni ilisimasanik misilittakkanillu paarlaateqatigiittarnermik qulakkeerinnissalluni.

Aammattaq Namminersorlutik Oqartussani atuuttuusutut inuussutissarsiornerup iluani tapiissuteqartarnermut aaqqissuussanik Naalakkersuisut 2016-imi nalilersuineq aallartisarniarpaat. Nalilersuineq Greenland Business, maannakkut Namminersorlutik Oqartussat tapiissuteqartarnermut aaqqissuussaaniq aqutsisuusumik suleqateqarluni pissaaq. Nalilersuinermit siunertaq tassaavoq inuussutissarsiorfimmuq tapiissuteqartarnermut aaqqissuussat naleqqussartuarneqartarnissaasa qularnaarnissaat, taamaalilitik sapinngisamik pitsaanerpaamik inuussutissarsiorfimmik, ilanngullugit aallarnisaasartunut tapersersuissammata.

Tapiissuteqartarnermut aaqqissuussat pineqartut, Greenland Businessimit aquneqartut saniatigut ukiuni kingulliunerusuni Naalakkersuisut nunaqarfinni isorliunerusunilu inuussutissarsiutit ineriartortitaaneri immikkut ittunik sammisarisimavaat. Iliuserisap taassuma ilaa kommunit qanimut suleqatigalugit pisimavoq, taakku suliniutinik tapiissutisisimasunik atuutsitaqalernissamik suliassaqsimallutik. Aaqqiissut 2016-imi ingerlateqqinneqarpoq. Iliuserisap taassuma ilaa alla tassaasimavoq nunaqarfinni isorliunerusunilu tunisisarnissamut periarfissanik nukittorsaaniarluni Aningaasanut Inatsimmi agguaassassanik koruunit 5 mio.-nik pilersitsineq. Agguaassassat 2016-imi ingerlateqqinneqarput, sumiiffinnilu inuussutissarsiornerup iluani killilimmik

ineriartorfigisaanni tunisisarfiit tunisassiorfiillu ingerlannerinut suliffeqarfiit, nutaat pioreersullu, qinnuteqarnissaannut periarfissiipput.

Inussiarnersumik inuulluaqqusillunga


Vittus Qujaukitsoq